

Juendel Sprock di Fundacion Anti Droga Aruba:

Hobennan na Aruba por haya droga pa medio di dokter mes



ORANJESTAD – Ta bisto cu e problema di droga na Aruba ta uno di preocupa. E ta asina alarmante cu hobennan na Aruba hasta por bay un botica y cumpira remedi riba shelf y consumi esakinan. **BON DIA ARUBA** a combersa cu director di Fundacion Anti Droga Aruba, Sr. Juendel Sprock, kende a splica cu di un investigacion cu a wordo haci di un populacion di 8296 hoben, a entrevista 1383 hoben, cu por acumula suficiente informacion pa por coy ful y populacion di hobennan na Aruba cu ta bay scol. Den dje tin 5% di e hobennan cu ta uza droga ta uza cocaina. Tin e crackbase, cu ta 2.2%. Tin e Extacy e conocido Moli, cu ta 3.9%. Heroína ta 2.4%, LSD ta 3.5%, Opium ta 1.7% y Hashish ta 6.2%. Tur droga menciona ta haci e mesun daño na hoben.

LEY DI OPIUM

Opium mes ta un droga cu

hopi biaha ta haya den remedi. Morfina ta cay bao di e ley di opium, pero door cu e ta un remedi asina fuerte cu ta kita dolor, e ta adictivo. Tin caso cu hende a bira adictivo door di uza morfina, ta pa tal motibo e mester wordo bon controla. Aunke cu e ta wordo uza como remedi.

DROGA NA ALCANSE DI TUR

Na Aruba por haya remedi hopi facil. Na Merca tin un problema grandi di droganen receta. Tin hopi abuso den esey. Segun Sprock, esey ta un di e problemanan top den e hobennan. Hobennan ta uza hopi pildo. E hobennan por haya droga facil door di dokter mes. Aruba ta facil pa haya remedi, e ta splica. Tin hoben ta bisa cu nan tin dolor di cabes, caminda, door di receta ta haya un cantidad di remedi.

STROPINAN DI VERK- OUD

Ta masha tempo cu hoben ta

gusta uza e stropinan di verkoud of tosamento seco. Esaki tambe ta un droga. Ta pa e motibo ey FADA ta cauteloso den kico ta bisa e hobennan. Si ta un droga cu nan no conoce bon ainda, miho lag'e asina.

DROGA DI AÑA 60 NUNCA A PERDE SU MERCADO

LSD (Lysergic acid diethylamide) of Acid, nunca a bay for di moda, ta djis a bin algun sorto di droga acerca. Tin biha nos ta lubida cu e tambe t'ey. Tin un investigacion cu Universidad di Aruba a haci, caminda cu nan a haci cu diferente hoben cu ta bay scol secundario. Eynan a sali na cla cu e hobennan toch ainda ta uzando LSD, no na gran escala, pero e droga t'ey ainda, segun Sprock.

LSD ta un droga halucinante. E ta laga e persona halucina, e ta laga sinti y wak cosnan cu no ta real. E efecto ta varia pa cada hende. Cada hende ta sinti'e otro. E efectonan mental cu e ta duna ta cu e ta halucina, ta haya manera lanta emocionnan, e ta desorienta un hende, e ta duna un hende atake di panico. Ta haya flashback di cosnan cu e persona a yega di pasa aden. Hasta e por duna depresion y psicosis. Esey ta cosnan mental cu e ta duna e usuario. Pa loke ta parti fisico, e por duna un temperatura di curpa un tiki abnormal.

E por subi of baha. Por soda friu. Por haya hopi kipevel, ta perde apetit, ta haya problema cu drumi, boca ta bira seco, ta cuminsa tembla, ta haya nausea y e curason por cuminsa



bati na un forma irregular.

NO KIER LANTA STOF

Tin hopi droga na Aruba, pero FADA tin biaha como fundacion no ta gusta papia di nan pasobra nan ta hopi tiki. No kier lanta e stof cerca hobennan. Hobennan ta curioso y net ora kier papia riba prevencion, nan ta bay uz'e pa curiosidad. Tin un droga nobo cu yama Bathsalt (salo di baño) y ta bastante peligroso y segun FADA ta kere, hobennan no lo mishi cum'e. Toch door cu e no ta na Aruba na gran escala, como Fundacion ta wak'e, conociendo con e hobennan ta, pa no toca e tema ey mes.

HOBENNAN BAO DI STRESS

Pa medio di investigacion a

haya sa di e hobennan cu a entrevista, e motibo pakico nan ta cuminsa uza droga cu ta stress. Awor tin biaha ki stress un hoben por tin. Cada hende ta wak stress na su manera. E

hobennan ta bisa cu nan tin stress. Otro ta bisa cu ta pa motibo di amigo cu ta uz'e tambe. Otro ta bisa cu ta pa placer, ora nan sali y fiesta. Esey ta e motibonan cu ta wordo bisa cu ho-

bennan ta uza droga. Tambe tin problemanan familiar. Not a bisa cu tur famia kibra por ta un motibo pa un hoben pa droga of net p'arobes, si tin un famia completo, esey kiermen cu e yiu no ta bay uza droga. Tin hopi influencia di afo pa hobennan uza droga. Si e hoben tin un amigo cu no ta den un bon caminda, tin chens cu e por bay uza droga. Educacion ta cuminsa cerca e hobennan for di cas. Si e hoben tin norma y balor di un educacion halto, hopi biaha ora cu e haya su mes confronta cu decisionnan cu e mester tuma entre otro di peer pressure, mal amigo banda di nan, si nan ta bon educa, hopi biaha nan ta bisa no, Sprock a conclui. □